

硃批諭旨

石麟奏摺下



硃批石麟奏摺

雍正七年十一月二十七日山西巡撫臣石麟謹



聖德光

天雲日獻瑞事雍正七年十一月二十六日據布政使蔣

河詳據直隸保德州知州王清詳稱卑職於本年

十一月初二日辰時督率州民正在辦理駝屨之

頃忽觀卿雲捧日外繞三環光華四射藻彩繽紛

自辰至午照耀三時萬民咸相慶幸又據河曲縣

知縣張球與縣知縣程雲先後各詳報本年十一

硃批諭旨

下

石麟

月初二日自辰至午卿雲捧日外繞三環實爲
聖世祥符據此理合一併具文申報等情到司轉詳前
來并據保德州知州王清具詳徑報到臣臣接閱
之際曷勝歡忭此實我

皇上至誠昭格

厚澤覃敷物阜民安率土皆歌樂育禮陶樂淑萬方共
被生成是以

上天眷佑和氣致祥當軍需辦理之時顯雲日輝煌之瑞
光華四射士庶咸觀愈徵
聖德之光昭疇見

王師之克捷實千載一時之盛事太平萬世之麻徵臣
惟益深敬惕共迓

天庥除另恭疏題

賀外謹先繕摺奏

聞謹

奏

蒙

上蒼垂示祥符如是顯著我君臣惟有愈勵敬誠以仰答
天心更黽勉父母斯民之責耳

同日又

殊批諭旨

下

石

麟

奏爲奏

聞事竊照晉省從前得雪分寸經臣繕摺奏聞仰蒙

睿鑒茲省城於十一月十九日得雪三寸有餘又於二十二三兩日得雪三寸有餘又據各府州陸續報稱所屬地方於十一月十一十五兩日各得雪二三四五寸不等於十八十九兩日各得雪三四寸不等於二十二三兩日各得雪三四寸不等臣查各屬得雪雖係數寸但間日屢降凝聚在地麥苗深得滋培之益現在咸有霑足之慶萬姓歡呼羣

頌無異只下掛賞餘雖四兩等因引爲思北更

聖澤所有晉省十一月內連次得雪日期理合恭摺奏

聞謹其未曾實地又觀實地而前飛騰思回支之誠善

奏兩其... 奏兩其... 奏兩其...

覽奏得雪數寸雖去間日屢降仍恐未必霑足也

奏爲奏... 奏爲奏... 奏爲奏...

聞事竊照各省督標撫標提標兵丁等欽奉商賈小月
上諭動支司庫銀兩酌定數目交與各該督撫提督委
員料理營運生息如遇兵丁家有吉凶之事將息銀

硃批諭旨

下

三

石

麟

酌量賞給以濟其用本銀永遠存公生息不必繳還其營運利息之處亦必公平辦理不得指稱官銀名色或占奪百姓行業或重利刻剝閭閻與商賈小民爭利擾累地方欽此又欽奉

上諭出征綠旗兵丁家中遇有吉凶之事著照京城驍騎之例吉禮賞銀六兩喪禮賞銀十二兩凡此賞給銀兩其有已經賞銀資生利息之處卽於利息內支開給其未曾賞銀及雖賞銀而尚無利息可支之處著動正項錢糧支給欽此臣俱欽遵在案并准部咨山西撫標兵丁擬賞給銀四千兩等因臣伏思此項

銀兩乃

皇上惠濟兵丁之

特恩其營運生息自應籌畫妥協俾行之永遠而無虧缺方爲盡善查晉省太原城內商舖頗多伊等挾本開張歷有年所素諳經營伊等有情願將此項銀兩領去作本者按數分給令其代爲營運生息照伊等舖內原得之利減少交納公平辦理則於公事有濟亦於彼有益當檄行太原府曉諭去後隨據省城當商葉蓁等一十二戶願領此銀營運每兩每月願出息銀一分二釐共息銀四十八兩

俱按月交收府庫等情臣隨取具領結將銀發領
并卽委太原府料理收放之事計自七月起至十
一月共收息銀二百八十八兩除支給過出征兵
丁家屬三名喪費銀三十六兩外現存息銀二百
五十二兩從此源源生息而兵丁永沐

皇恩於無既矣所有辦理緣由臣謹具摺奏

聞謹

奏

據奏發交商舖代爲生息甚好若無勒令強從情故斯
乃極妙之舉

同日又

奏爲

聖主訓誨無已微臣感激難名恭謝

天恩事竊臣齋摺把總回晉捧到

硃批摺子內有臣奏謝

皇上賞賜哈密瓜一摺并臣奏

聞晉省製造駝屣漸次告竣士民願捐車騾運送一摺

俱奉有

硃批臣仰瞻

諭旨如覲

硃批諭旨

下

五

石

麟

天顏跪讀之後遵

旨傳布政使蔣洞到署臣恭捧

諭旨令蔣洞跪閱訖伏念臣一介庸愚仰蒙

聖恩簡畀晉撫重任受事以來每多過愆皆荷

寬宥矜全疊頒

訓誨俾得遵循臣受

天恩逾於常格之外感激之忱實難名言惟有公誠自

勉廉隅自勵庶立身有本稍冀仰答

高深臣時凜此心矢守不易是以夙夜兢兢第知有

國而不知有家知有

君而不知有身也況臣係微末窮員荷

皇上殊恩不次擢用職任封疆

寵榮已極每年又蒙

賞賜養廉銀三萬餘兩一切用度綽然有餘若於此外

再有貪得不肖之心稍萌苟且肆妄之志不但有

干

國憲亦必難逃

天譴茲荷

聖主訓導勗勉臣跪讀之下不禁感極涕零敬謹繕錄

朝夕虔誦益加黽勉殫誠竭力克修致身事

君之道仰報

隆恩於萬一耳理合繕摺恭謝

天恩謹

奏

睹茲晉省

天意民情如是朕便欲譴責於爾而亦有所不能也勉之仍遵前諭毋稍肆志自滿朕嘗訓誨內外大小臣工不但庸流之毀譽不足以爲榮辱卽朕一時之喜怒亦不必遽動欣戚之念但以方寸對越

神明時時凜懼鑒察是乃立身行己之根本趨利避害之

良方捨此而分外馳逐皆屬本末倒置試看小民踴躍急公甫及二旬卽蒙

上天昭示景象如是捷速可不興感起畏乎益當加勉勿怠

雍正七年十二月十一日山西巡撫臣石麟謹

奏爲

聖德之格被靡涯

上天之嘉應疊見事雍正七年十二月初十日據布按二司會詳據蒲州府臨晉縣胡南藩報稱爲慶雲呈瑞事十二月初一日臨晉縣自午時起見祥雲歷

未申酉時迴繞麗日擁護而西但見其雲五色繽紛霞光萬道疊秀爭華呈輝耀彩卑職仰瞻多時正慶慶雲獲見旋據闔邑紳士軍民羣集縣庭歡呼鼓舞以手加額咸稱

聖世嘉徵合之卑職所見相符等情會詳前來并據該縣胡南藩徑報到臣臣接閱之際曷勝歡忭欣慶伏查晉省兩月之內嘉祥疊見此皆我

皇上至德光

天仁恩匝地惟太和之氣翔洽於閭閻斯休徵之應屢著於雲日臨晉素稱疲悍之區年來感沐

皇仁咸知遵法急公查自康熙五十六年至雍正六年共積欠錢糧一十六萬餘兩今一載以來已清完一十三萬餘兩本年錢糧已完至八分有奇卽此民風之不變實由

皇仁之淪浹而

天人之感應益徵其捷如影響也除另恭疏題

賀外謹先繕摺奏

聞謹

奏

據奏臨晉慶雲捧日不禁以手加額覽焉因蔣洞之奏

殊批諭旨

下

八

石麟

先到已備悉批諭於伊摺內可取觀之

雍正八年正月初十日山西巡撫臣石麟謹
奏爲奏

聞事竊照晉省雍正七年入冬以後節次得雪日期俱
經臣繕摺

奏報嗣於十二月二十六七八等日省城得雪四寸
有餘又據各屬陸續報稱各得雪二三四五寸不
等麥苗在地連得瑞雪滋培且新年以來風和日
暖積雪消融土脈滋潤更見青葱茂發此皆我
皇上愛養元元至誠感格所致是以連得瑞雪普利田

疇臣惟與闔屬官民額手歡呼共慶昇平而已所
有得雪日期理合恭摺奏

聞謹

奏

覽歲內得雪新春和暖情形朕深爲欣悅都中亦於此
三日得雪霑足今於十六日又蒙

上天賜雪三寸有餘大率直隸各省俱於去冬均沐
天恩矣惟雲貴閩粵尚未據奏到

雍正八年正月二十六日山西巡撫臣石麟謹

聞奏爲奏晉省外縣五八等日十六日

殊批諭旨

下

九

石麟

聞事竊照晉省於雍正八年正月十六日辰時起至亥時止省城得雪一尺三四寸又據各屬報稱各得雪自四五寸至一尺及一尺有餘不等臣思麥苗在地去冬連得瑞雪滋培今復得雪一尺有餘且風和日暖消融入土將見麥隴青葱更加茂盛矣所有得雪緣由恭摺奏

聞謹

奏

此真祥瑞也欣悅覽焉

雍正八年二月十二日山西巡撫臣石麟謹

奏為欽奉

上諭事竊臣據布政使蔣洞恭捧

硃批諭旨一道竝廣東督臣郝玉麟奏摺一件到臣署隨敬謹跪讀欽奉

諭旨觀近日晉省百姓情形便有此等匪類亦不能搖惑萬一但既有此論汝等可密諭屬員各處留心訪緝將郝玉麟奏摺一併發來與汝同石麟密觀料理毋得聲張極加慎密可也特諭欽此欽遵復密觀督

臣郝玉麟奏摺內情由俱一一領悉臣查晉省連

硃批諭旨

下

十

石麟

皇恩疊沛士民咸各尊

君親上感激勉勵無不家安戶樂共慶昇平已在

聖明睿照之中第晉省之人經營於四方者居多恐往
來粵省及粵省流寓晉地之民或有被其煽誘相
通聲氣者自宜急爲訪緝臣當卽遵

旨密諭各屬員於四境內細加密訪查拏不得聲張洩
漏亦不得滋擾良民通行密諭在案臣復密令人
於各通衢要隘等處細行訪查務期消弭姦匪寧
謐地方所有微臣欽奉

諭旨現在辦理緣由理合先行奏

聞謹

奏

從來匪類之爲害生民甚於盜賊盜案命案有失主苦
主爲證尚易於追求至若匪類率皆暗地潛藏蹤跡詭
祕全賴地方大員留心發擿方能消患於未然此輩各
有耳目倘汝等法令嚴明訪緝細密自將回心斂迹斷
不至聞聲附和羣聚多人何有如呂留良輩肆行無忌
至數十年之久也此事不待粵省奏聞奉朕飭諭而後
始加察究者嗣後當加意防範但有風聞立即嚴飭各
屬訪拏務獲窮詰實情毋避生事之嫌甘爲聳聳而貽

害於地方督撫中能察究匪類惟李衛爲第一爾當倣效之將此諭亦令兩司知悉

雍正八年三月十七日山西巡撫臣石麟謹

奏爲欽奉

聖訓敬謹遵行恭摺叩謝

天恩事竊臣標把總齋回臣奏

聞查緝廣東匪類一摺奉有

硃批臣跪讀

諭旨如覲

天顏隨遵

旨傳布政使蔣洞按察使宋筠到署臣恭捧

諭旨各令跪閱訖伏查禁戢姦匪理宜消弭於未然若

悠忽容隱爲害非淺今欽奉

訓示周詳無微不至當以此事時時留心并督率屬

員各各嚴密謹慎勤加察訪但有風聞卽當拏究

不敢少懈於平時亦不敢寬縱於已覺惟凜遵

聖訓察究匪類消患未萌以仰副我

皇上教誨生成之至意耳所有微臣遵奉感激之忱謹

繕摺恭謝

天恩謹

硃批諭旨

下

十三

石

麟

天奏

當不時留心密行察訪毋致日久生懈勉之

奏爲欽奉

諭旨察訪奏

聞事竊臣前奏晉省士民急公效力情願運送繩屨緣由摺內奉有

硃批恐新補大同總兵徐起鳳不能勝任

命臣留心察訪的確據實秉公密奏等因欽此欽遵臣察訪得鎮臣徐起鳳自雍正七年十一月到任至

年底未見有所行爲至本年正月初十日看兵之後卽陸續考驗所轄各營大小官弁甄別舉劾俱從公道約束兵丁亦稱嚴肅至於辦事每於文移中見其亦明白老成緣大同距省六百餘里鎮臣徐起鳳到任以來因無公事相會臣尚未與之謀面茲留心細加察訪現在之措施如此若始終不懈實力整飭於邊方誠屬相宜臣謹遵

旨察訪的確據實秉公奏

聞伏乞

皇上睿鑒謹

硃批諭旨

下

三

石

麟

奏

若如所奏徐起鳳乃一好總兵於初到時能如此行爲日久熟練自必更有可觀也

同日又

奏爲奏

聞事竊照晉省地方今春正月內得盈尺之雪經臣具摺奏

聞茲省城於三月初五日十一日俱得雨二寸又據各屬節次報稱於三月初五初六初八十一等日各得雨三四五六寸不等農夫俱及時耕耘咸頌

聖主念切民生是以膏雨應時而降得以盡力田畝莫不鼓舞歡呼等情前來臣查時當春耕得此雨澤不特麥苗興長卽布種五穀亦皆滋潤而發生矣所有得雨緣由恭摺奏

聞謹

奏

都中近日頗覺乾旱朕正晝夜憂心覽爾晉省雨澤之奏深爲慰悅雖然須至秋成後方敢言其必然也但宜益加誠敬以俟之定蒙

上天默錫嘉應勉之

殊批諭旨

下

十四

石

麟

同日又

奏爲奏明雍正六年耗羨銀兩事竊照晉省耗羨銀兩歷年俱繕造

黃冊奏報在案茲據布政使蔣洞冊造雍正六年分額徵耗羨銀三十七萬一千三百九十六兩零內已完銀三十六萬五千四百六十兩零支給各官養廉并各項公費共開除銀二十九萬三千六百五十九兩零實在現貯司庫銀七萬一千八百一兩零民欠未完耗羨銀五千九百三十六兩零竝將四柱總數各州縣已未完數繕造

黃冊各一本詳請轉

奏前來經臣逐一覆核相符謹將

黃冊恭呈

御覽爲此謹

奏

此種冊籍朕亦何暇觀覽總在汝等秉公節慎辦理其中之是與非公與私何能逃衆論也

雍正八年四月初八日山西巡撫臣石麟謹

奏爲奏

聞事竊照晉省地方三月二十四五兩日省城得雨三

殊批諭旨

下

五

石麟

寸有餘二十七八兩日又得雨四寸有餘茲於四月初一日至初四日每日得雨四五六寸不等十分霑足又據各屬陸續報稱自三月二十四日起至四月初四日止各得雨七八九寸不等普徧霑足等情前來臣查晉省地方半屬高岡土坡且時值孟夏通省連得膏雨入土滋培高原下隰無不周徧稻黍粟麥俱各青葱鬱茂此皆我

皇上至誠感召之所致臣正在繕摺具

奏聞於初七日又得雨六寸有餘所有連得時雨緣由恭摺奏

聞謹

奏

自春以來晉省得雨優渥實慰朕懷以手加額覽之

同日又

奏為遵

旨詳查辦理奏請

睿裁事竊臣標齋摺把總回晉捧到

硃批選拔貢生蕭澍條奏一摺欽奉

硃批諭旨蕭澍條奏此二事當詳查辦理者欽此欽遵

臣閱蕭澍條奏內稱鴈門關關門不全稽查不密

硃批諭旨

下

共

石麟

請將鴈門巡檢移至廣武以嚴稽查廣武守備移駐鴈門以扼要路竝將關門修補一事准遵旨詳查并行布按二司暨鴈平道會同查明議詳去後茲據司道等會呈據代州詳稱遵查鴈門關城有南北二門其北門現有二扇該巡檢早啓夜閉惟南門原毀一扇今已將南門製造北門加修俱堅固完備并飭巡檢乘時啓閉加謹稽查至守備巡檢移駐之處查廣武南至鴈門計二十里兩山盤谷中間僅有溪河山路一條竝無別徑可通欲進鴈門舍廣武隘口無由而上是廣武地方實爲鴈

門之咽喉地處扼要且坐落平坦舊有堡城居民稠密而關北各屯俱設有分防營汛今守備駐防廣武在雲朔旣可控制而鴈門亦有屏藩若移駐鴈門則去廣武窺遠關後各屯巡檢微員非惟不能彈壓且鴈門高處山岡彈丸之地旣無建蓋營署之所而居民寥寥水草無多亦難駐防兵馬則彼此移駐於關隘地方似屬俱無裨益等情河等會查該州所議移駐未便之處似屬妥協但鴈門本屬要地今止有巡檢一員弓兵十五名及汛兵五名恐不敷稽查巡緝諸務似應添設外委把總

一員再派撥兵五名庶足以資防守等因臣隨咨商大同鎮去後茲准鎮臣徐起鳳以司道所議誠屬妥協移覆到臣臣細加酌議似應亦如司道等公詳爲是又蕭澍條奏內稱大同府大有倉所貯米石甚多若不出陳易新將來必有霉爛之虞請按數運赴朔平府抵兌右衛兵糧將大同府屬應解給右衛兵糧之新米歸倉還項一事臣遵

旨詳查并行布政司大同府朔平管糧廳各查明議詳去後茲據布政司詳據署朔平同知詳稱右衛八旗官兵口糧每歲所需米石向係大朔二府屬州

縣解交常豐倉按月支給今欲以大同府屬州縣應解常豐倉新米路經郡城者卽換兌大有倉陳米運交支給以新易舊雖似兩便但常豐倉亦尚有從前存貯之陳米六萬餘石因八旗官兵向來俱係支領新米若竟以陳米放給則必爭嫌較論惟在管糧者於收到各屬新米設法籌畫將陳米配搭放給官兵帖服無辭除經搭放竝雍正六七兩年出糶外今本倉尚有歷存陳米豌豆黑豆綠無項動撥而積貯現多仍宜一面漸次搭放一面

呈請

題明照常平倉出陳易新之例每年夏糶秋還實爲
妥便至常豐倉現有陳米自毋庸又換大有倉之
陳米也等情隨又行據大同府詳稱大有倉存貯
米石換兌右衛兵糧之處旣不便舉行但倉貯陳
米共十二萬九千餘石上年具詳咨部請糶嗣奉
部允時已八月秋成在望糶賣無幾今仍請
題明每年於青黃不接之時減價平糶儘糶儘買不
數年間則皆可易新矣各等情前來臣細加酌議
似應照朔平同知及大同府所詳爲是以上三事
臣就地方情形逐細詳查如此辦理庶爲妥協但

臣材識短淺是否有當伏乞

聖明訓示臣另具

聖題所有詳查緣由理合恭摺

稟奏覆請

旨謹

奏

所奏是汝斟酌允妥後徑行具疏題請辦理不必援引

前奏

聞雍正八年四月二十四日山西巡撫臣石麟謹

開奏爲奏

硃批諭旨

下

五

石麟

聞事竊照晉省地方連得時雨緣由臣俱恭摺奏

聞茲省城於四月二十至二十一日膏雨綿密又得一尺有餘又據各屬陸續報稱於四月十二二十七十八二十二二十一等日各得雨六七八寸不等四野霑足并稱隴麥長發高二三尺不等現在吐花出穗十分茂盛萬民歡呼咸頌

皇仁等情到臣臣惟凜遵

聖訓益深誠敬并與闔屬官民額手慶頌靡已所有得雨尺餘及夏麥長發情形謹繕摺奏

聞恭慰

聖懷謹

奏

以手加額覽之朕實深為汝慶幸也京都於月之二十五日甘霖透足是日雨意甚廣西望雲色濃郁想爾晉省自必又沐霑潤矣

雍正八年五月十三日山西巡撫臣石麟謹

奏為

聖化感孚遐邇邊民重義還金恭摺奏

聞事竊臣據布政司詳據朔平府左雲縣申稱據縣屬助馬堡鄉約張廣基報稱緣由本堡民人趙亨清

硃批諭旨

下

三

石麟

於本年三月十二日路有堡洞拾起銀子一包不知兩數見有字封知係餉銀隨赴守備衙門首明交訖理合稟報據此卑職正在詳報間又准助馬路守備移據外委千總劉開震稟稱三月十二日據本營馬兵劉朝選於本日支關春季三箇月餉銀九兩一錢九分零忽因馬驚將銀遺失回家方知隨從原路找尋間忽有本堡民人趙亨清手持餉銀一封向開震說係伊在堡門洞裏拾著此銀見封皮上有字知是兵丁餉銀正要到衙門給還本主開震接過餉銀見係原封未動理合稟明等

語據此隨喚趙亨清劉朝選細問朝選認係原關餉銀又云趙亨清拾去理應亨清使用據趙亨清稱還人遺物乃是常事分毫不要等因移會到縣擬合詳報由府轉申到司相應轉報等情又准大同鎮臣徐起鳳移咨到臣伏思我

皇上仁恩廣被教化咸孚久已俗美風醇拾金不昧所在多有顧以邊徼窮黎而知慕義興廉益見聖化之隆靡遠弗屆也除一面給發花紅扁額行令該縣嘉獎外事關風化臣不敢壅於上

聞爲此謹

殊批諭旨

下

三

石麟

奏

據奏朔平民人拾金不昧知道了候另有旨諭部

雍正八年六月二十八日山西巡撫臣石麟謹

奏爲恭報二麥豐收事竊照晉省二麥收成分數臣

留心細加訪問并據各府州縣開報前來查得山西共一百六州縣而十分收成者八十一州縣九分收成者十五州縣八分收成者十州縣詢之野老農夫僉稱今歲雨水調勻二麥收成有向來豐年每畝收一石者今竟收至一石一二斗實爲數十年之僅見莫不歡欣鼓舞咸頌

皇仁臣謹按各屬所報分數欽遵

諭旨分別開明據實另繕清摺恭呈

御覽謹

奏

蔣洞奏摺先到隨經批諭并命伊將朕所批持與爾看矣茲不更諭

聞雍正八年十月二十六日山西巡撫臣石麟謹

奏爲奏

聞事竊照晉省於十月二十一日得雪二寸有餘又據各屬陸續報稱於十月十八二十一等日各得雪

二三四五寸不等且有得雪至八寸暨一尺者查
麥苗在地欣逢瑞雪滋培大有裨益萬姓歡呼咸
稱嘉瑞所有晉省得雪日期理合恭摺奏

聞謹

奏

覽得雪情形朕懷深慰

雍正八年十一月初九日山西巡撫臣石麟布政

使臣蔣洞謹

奏爲欽奉

上諭事竊臣等接到大學士公馬爾賽等來字內開雍

正八年八月二十五日奉

上諭聞得山西武鄉縣知縣張憲齡年已七旬目已昏
翳審事不能剖斷百姓有泥土地之謠壺關縣知縣
許溥年逾七旬到任一載於地方事務全不經心因
該縣距府二十里知縣應辦之事俱係知府王景望
皇代爲辦理祁縣知縣羅著藻在任五載怠惰廢弛有
珠商被竊一事意欲朦混歸結且辦事糊塗用刑甚
酷上年曾因私忿杖斃騾夫一人民有怨言陵川縣
知縣高永滋貪劣性成多方取利陵川一邑每年額
稅四十餘兩高令加至四百餘兩又陵川窮民挖山

採鐵鍊打釘頭者從來無徵稅之例而高令聽信蠹
役婁起鳳等私索稅銀又錢糧火耗竟至加二以外
士民含怨以上諸條係朕訪聞如此爾等可密寄信
去詢問石麟蔣洞欽此字寄到臣等仰見我

皇上明目達聰察吏安民之至意臣等隨公同逐一確
查又復細加密訪查武鄉縣知縣張憲齡實在現
年五十四歲精力尚健惟兩目有微翳係自幼發
痘受傷所致名爲風淚眼而目光仍是清明其居
官小心勤慎操守謹飭惟存心慈愛審事少欠風
厲至事之曲直仍無所枉武鄉縣地僻事簡張憲

齡辦事安靜尚屬人地相宜壺關縣知縣許溥年
近六旬辦事遲鈍因係舉人出身尚堪課士業經
援例

題請改就教職在案祁縣知縣羅著藻在任五載辦
事勤幹廉隅自勵洵堪驅策其珠商被竊一事緣
平遙縣珠商孔奇相等赴祁邑趕赴廟集貨賣在
縣民渠上疏舖內住宿珠銀被竊具呈控縣尚未
審結至杖斃騾夫一案緣羅著藻於署平遙縣任
內家人羅祈昌與騾夫趙鼎鰲索銀口角羅祈昌
稟知羅著藻隨拘喚到縣於雍正六年三月二十

三日分別責儆發放訖趙鼎鰲受責之後染患時
證醫藥罔效於四月初一日身故彼時經汾州太
原二府會審確情委係病死竝非杖斃取有屍子
醫生甘結在案陵川縣知縣高永滋徵收稅務盈
餘一案查該縣額解商畜二稅歷來俱係牙行包
納起解其中盈餘俱被牙僧衿棍侵肥自高永滋
到任後將稅銀改爲官收按則儘收儘解雍正七
年分除完解正稅外共解盈餘銀一百六十九兩
零造入奏銷在案牙僧無從染指遂造流言散布
究於商民實無剝削至鐵行向有牙稅惟陵邑鐵

釘鋪戶十二家從前原不徵稅高永滋初次清查
曾令照熟鐵例認稅旋因各家俱係打釘之鋪卽
行停止臣等密諭澤州府弔取該縣收簿卷宗細
加察核高永滋實無私行多收入已情弊再查錢
糧火耗一項該縣收耗實止加一三之數祇緣花
戶完糧每用市銀合市戥上櫃及傾銷足色扣準
庫平俱算入耗內致有加二之傳說但查高永滋
雖無貪婪實蹟其居官平常辦理事務未甚洽於
民心因其爲人尚屬小心屢經訓飭冀其勉勵後
效以上四員事款欽奉

上諭詢問臣等逐一細加訪察其實情蓋如此不敢稍
爲容隱謹據實公同繕摺覆

奏伏候

睿鑒謹

奏

知道了平時於屬員旣不能勤訪察嚴懲勸迨朕親有
聞見指名詢及若又不秉公據實奏覆而涉於遮掩文
飾則大不可也

雍正八年十二月二十日山西巡撫臣石麟謹

奏爲奏

聞事竊臣據寧武縣詳稱十二月十六日據本城店家

曹珍報稱午刻有一行十一人到店投宿稱係內

務府蘇奉

密旨辦理機密事件等情到縣又奉府飭查隨親詣店

內問據戴水晶頂人稱姓蘇名致隆係介休縣人

在京范毓馥處辦事我是蒙

皇上欽賜的五品頂帶在內務府管稅司行走奉十七

王爺轉奉

內諭往陝西辦機密事去及訊其有無執照所辦何事

則稱我們替

硃批諭旨

下

庚

石麟

皇上辦事從無執照我是採買軍需駱駝的再訊其寧武非往陝西大路至跟隨之人是否同伴又稱要往永寧州送信與范毓馥之親家于姓跟隨之人內張保張弼是家人從京跟出來的其餘高瓚等七人是太原汾州等處人在朔州遇見要回家去的有余海川是朔州雇來引路的還未到等語行蹤詭祕言語支離未敢輕縱除看守外擬合通報等情前來臣據報除行按察司飭令嚴加看守并一面移咨內務府查覆外理合繕摺奏

聞謹

奏

此事明係光棍詐冒無疑嚴拏究擬具奏以聞

雍正九年正月初十日山西巡撫臣石麟謹

奏爲欽奉

上諭事竊臣前奏蘇致隆等蹤跡可疑一摺齎摺人回

奉有

硃批諭旨同日又接到大學士公馬爾賽等寄字內開

雍正九年正月初二日奉

上諭上年十二月內山西巡撫石麟摺奏寧武縣客店曹珍家內有居歇十一人行蹤可疑該縣詰問有一

硃批諭旨

下

毛

石麟

人稱姓蘇名致隆係范毓黻家夥計奉差辦理軍需
機密事務等語朕以此必無之事批令石麟嚴拏究
擬隨據內務府戶部奏稱山西巡撫石麟有文來查
問蘇致隆是否奉差往陝西辦理軍需有無假冒等
因臣等傳問范毓黻據稱今年十一月內果親王著
令採辦軍需皮襖因爲數甚多隨差夥計蘇致隆等
前往大同寧武等處採買皮襖恐其聲張致擡市價
囑其不得以實情告人今巡撫來文有雖無騷擾地
方嚇索銀錢但蹤跡殊難憑信之語是蘇致隆等實
無騷擾多事之處竊念軍需緊要萬難遲緩祈爲轉

奏行文晉撫等語戶部內務府查范毓黻夥計到山
西辦理軍需實有其事爾等可卽寫字寄與石麟將
蘇致隆等十一人釋放無庸審問其有名未到者亦
不必關提欽此寄字到臣臣隨欽遵

諭旨飛飭寧武縣將蘇致隆等十一人卽行釋放其有
名未到者不必關提外所有欽遵緣由理合繕摺
奏

聞謹

奏

從前朕亦以爲必係假冒無怪地方有司報稱行蹤可

疑總因其人言語糊塗有以自取也

同日又

奏爲奏

聞事竊照晉省地方於雍正八年十月二十一日得雪情形經臣具奏在案嗣據各府州陸續報稱十一月十一暨十二月初三十六二十一等日各得雪二三四寸不等茲省城於十二月二十七日得雪二寸二十九日得雪三寸又據各屬申報於二十七八九等日各得瑞雪自二三四五寸以致八九寸一尺不等等

因前來此皆我

皇上愛養元元至誠感格所致是以屢得瑞雪普利田疇臣惟與闔屬官民共額手慶祝昇平而已所有屢次得雪日期恭摺奏

聞謹

奏

據奏晉省於歲底屢次得雪朕深爲慰慶

雍正九年二月初十日山西巡撫臣石麟謹

奏爲欽奉

上諭事竊臣接到大學士公馬爾賽等寄字內開雍正

光緒八年十二月二十六日奉

上諭今年直隸山東江南河南有被水之州縣聞本地
乏食窮民有餬口散往鄰封者若該地方官員視爲
他處之人不肯加意賑恤必致流離失所且三春耕
種之時若不旋歸本土又必致荒棄故業朕心甚爲
軫念爾等可寫字寄與各省督撫令其轉飭有司凡
遇今年外來被災就食之窮民卽動支常平倉穀大
口日給一升小口五合核實賑恤再動用存公銀兩
賞爲路費資送回籍竝行文知會原籍地方官收留
照看總在該督撫督率屬員善於料理以副朕念其

所用銀穀著該督撫查核報銷嗣後以此爲例欽此

寄字到臣卽欽遵

上諭轉飭各屬敬謹奉行去後隨據陽曲縣申報賑恤
過直隸獻縣窮民二十一口寧津縣窮民四口榆
次縣申報賑恤過獻縣窮民十七口徐溝縣申報
賑恤過寧津縣窮民四口黎城縣申報賑恤過山
東東平州窮民十六口樂平縣申報賑恤過江南
邳州窮民五口平遙縣申報賑恤過江南壽州窮
民十口崞縣申報有山東歷城縣窮民桑海等九
口因伊子桑一昭在歸化城開舖生理前往相依

該縣卽捐給盤費放行等情并各分別資送起行
在案臣復時加督率各員實心實力辦理不但到
境停住之窮民當賑恤資送卽遇往來經過在途
之窮民亦須稽查收留賑恤資送務使窮民無流
離困苦之虞蚤旋本土各安耕作以仰副我
皇上軫恤羣黎有加無已之至意所有欽遵奉行緣由
理合奏

聞謹

奏

好實力奉行以副朕意

同日又諭兵部轉報並派員密查快匪合
奏爲奏下其字樣計出一人之手應由部轉報

聞事雍正九年二月初九日據解州夏縣知縣趙尚友
具稟稱本月初四日據署教諭高振呈送匿名帖
去紙內開走狗狂惑不見烹祥麟反作釜中羹看
徹世事渾如許頭髮衝冠劍欲鳴又稱曾靜可殺
不殺呂晚村無罪坐罪真古今一大恨事也爲此
感憤傾吐血性倘好義君子與我同心請將此詩
傳布宇內俾當途聞之轉奏萬一幸而早離韻法

天闕庶

殊批諭旨

下

三

石麟

天朝廷知所悔改而梟會之首存呂之孤則刑罰中人
心服矣區區痴想不無望於萬一等語卑職隨赴
學面詢高教官竝與祭文武各生據稱此字不知
係何人暗貼是祭畢時有門斗說秀才們都在西
角門外看牆上有貼的什麼字哩稟知教官就同
去看用醋噴濕高教官親手揭下來看了拏去的
等語卑職復細驗帖內看徹二字俱揭破一半尚
有一半字在何又用新紙另寫看徹二字粘補原
字之下其字跡係出一人之手顯有情弊可疑似
此喪心病狂暗肆悖逆殊難寬縱除密訪外理合

稟明等情具稟到臣接閱之下深爲痛恨如此
逆賊大干法紀除卽密諭飭令司道及該州縣作
速密訪將貼帖之正賊姓名察實嚴拏務獲嚴究
有無同黨星飛詳報毋致聲張洩露疎縱遠颺并
差臣標千總前往該縣督同訪拏必期獲到究擬
外臣謹據稟先行奏

聞謹

聖奏

該縣令教官果肯實心根究自不難查出當盡力訪拏
務獲毋使姦匪漏網

硃批諭旨

下

三

石

麟

雍正九年三月初七日山西巡撫臣石麟謹
奏為

聖主之訓誨無已微臣之察吏不周仰請
睿鑒嚴加處分事竊臣一介庸愚荷蒙

聖恩畀以撫晉重任自蒞任以來夙夜兢兢時以察吏
安民為念緣臣才識短淺地方遼闊耳目不周致
有蒲州府知府劉登庸平陽府知府樊錢倬等利
慾薰心罔顧

功令恃其離省寫遠肆行敗檢朋比貪婪臣竟為其
欺蔽疎於覺察今蒙

皇上命刑部侍郎臣韓光基太僕寺卿臣顧琮到晉訊
明將劉登庸等解任究審以昭法紀但臣身沐
皇上至優至渥之恩而於此等劣員不能早為覺察實
深惶愧無以自容惟有跪請

聖主將臣

敕部嚴加議處以為不能覺察屬員者之戒臣謹涕泣
實陳曷勝悚慄之至謹

奏

國家功令自在何待汝之奏請

雍正九年三月二十二日山西巡撫臣石麟謹

奏爲奏

聞事竊照晉省地方入春以來連得瑞雪經臣恭摺具奏嗣據各屬陸續報稱於二月初六十七八九暨三月初四五六七八等日各得雨二三四五六寸不等省城於三月初六日得雨一寸茲於二十日又得雨三寸伏思雨水關乎年歲之收成生民之粒食無時不廛

宸衷今晉省各屬連得時雨普利田疇二麥得此滋潤更見青葱茂發萬姓歡呼咸頌我皇上念切民依感召麻和之所致也所有連得時雨情

由理合繕摺奏

聞謹

奏

覽得雨情形深爲晉民慶慰

雍正九年七月初七日山西巡撫臣石麟謹

奏爲恭報二麥豐收事竊照晉省二麥收成分數臣留心訪問并據各府州縣開報前來查山西共一百六州縣今十分收成者八十五州縣九分收成者十四州縣八分收成者四縣七分收成者二縣六分收成者一縣野老農夫黃童白叟莫不歡欣

鼓舞共慶盈寧臣謹按各屬所報分數欽遵

諭旨分別開明據實另繕清摺恭呈

御覽謹

奏

欣覽二麥收成分數不禁以手加額焉

同日又

奏爲奏

聞事竊查晉省地方入夏以來四五兩月雨水均各調
勻充足六月內初三三三二十一等日各屬俱節
次得有雨澤省城六月初四十七二十九三十等

日各得雨三四寸并據各屬陸續報稱六月二十
八九日并三十日各得雨二三四五寸不等霑足
者甚多茲省城七月初六日又得雨五寸四郊霑
足及時甘雨秋禾甚屬得濟臣惟欽遵

聖諭敬謹修省詳慎刑獄并宣示官民各加儆惕改過

斯語可嘉果實實如此居心

遷善仰祈

上天自默有照鑒也勉之勉之
天鑒甘雨頻施普利田疇以上慰

聖主睿懷所有現在得雨緣由恭摺奏

聞謹

奏

覽

同日又

奏爲請

旨事臣伏查雍正八年六月二十一日奉

諭旨聞自京赴太原駐劄滿兵不遵法令騷擾百姓

特命護軍統領臣宗室哈爾吉前來帶領回京并令會

同臣將不遵法令生事之兵丁逐一查出從重懲

治卽在太原府大街柳號示衆其該管章京之不

能約束者亦著查出題叅將臣交部嚴察議奏等

因經統領臣哈爾吉於七月十四日到晉隨會同

臣查訊并取檔案查對將與民人互相角口鬪毆

之驍騎關保住等八人雖經臣責處過仍酌其輕

重復行懲處外所有正藍旗滿洲旗分傳齊保佐

領下驍騎傳海擅入民人院內與婦人角口一案

臣石麟當卽查知究問因係角口已將傳海鞭責

在案復會同研訊據傳海供稱與婦人互相角口

是實竝無進人家去等語臣等隨將傳海重責枷

號於太原府南門內示衆并將章京叅領等查叅

等因經哈爾吉帶兵回京覆

奏在案嗣於雍正九年二月二十八日准兵部咨將

奏臣暨章京叅領等照例分別議處緣由知照到臣
其枷號之傅海作何發放未經議及臣隨咨請部
示續准兵部咨覆令仍欽遵原奉京叅則章京叅
諭旨查照可也等因臣查傅海不遵法令生事角鬪兩
經責懲枷號已將一載今應否開枷押解回旗出
自
聖恩臣未敢擅便爲此謹

奏

將傅海開枷釋放解交該旗另行請旨

雍正九年十月初六日山西巡撫臣石麟謹

奏爲恭報

盛世豐年收成分數事竊照晉省地方今歲雨水調勻
田禾暢茂當茲百穀咸登之候據各府州縣陸續
開報分數前來查晉省共一百六州縣今十分收
成者五十三州縣九分收成者十六州縣八分收
成者二十四州縣七分收成者十三州縣黃童白
叟羣相鼓舞感頌

皇仁臣謹將各屬所報分數遵奉

諭旨分別開明另繕清摺恭呈

御覽爲此謹

硃批諭旨

下

七

石

麟

奏

晉省收成分數以手加額覽焉

雍正九年十一月初二日山西巡撫臣石麟謹

奏爲預籌移貯倉糧以裕軍需仰祈

睿鑒事竊照大同府大有倉朔平府常豐倉存貯糧石原以備軍需之用本年四月內准部咨令將大有倉米四萬石常豐倉米二萬石賣給范毓積將價收存秋後買補還倉現今已飭催買補第大朔二府相連直省今歲來晉販糴者多米價不甚平減且有關於民食採買亦難急迫伏查晉省各屬存

貯各案倉穀并密陳管見事案內歷年所買之穀計共有百萬餘石仰沐

皇仁連歲豐收未有動用現皆實貯臣愚請將密陳管見事案內穀石除大朔二府屬之外酌動十五萬石令各屬碾米九萬石雇覓車騾運赴大有倉五萬石常豐倉四萬石加謹收貯以備不時之用似於軍需有益二處倉廩如有不敷卽酌量添造其運送之口袋脚價碾米工資及造倉等費請於司庫收貯雍正八年存公銀內動用事竣造冊送部查銷至運動過各屬穀石仍請動存公銀兩照數

此項穀石應動正項錢糧買補還倉非存公銀兩所辦
陸續買補還倉因預籌軍需起見應否舉行伏
乞

聖主訓示遵行如蒙

俞允臣卽一面辦理一面具

題爲此繕摺請

旨謹

奏

預籌軍需之見甚是一面辦理一面題奏可也

雍正九年十一月初五日山西巡撫臣石麟謹

奏爲奏請量加兵米折價以廣

皇仁事竊照晉省各鎮營兵丁月支不敷米石歷年俱

照雍正元年

題定時估價值折給採買卽本年十月內估撥壬子
年兵丁折價月米及赴甘兵丁養贍家口應支月
米之數亦已照例造冊送部請撥在案但晉省今
歲因直豫二省民人赴晉販買搬運絡繹相繼以
致米價日增若仍照

題定時估折給兵丁買食維艱臣謹遵雍正元年欽
奉如遇價值高昂之年該督聲明具奏之

恩旨於

硃批諭旨

下

三

石麟

題定時估之外量請加增臣查三關鎮屬朔州營兵
丁不敷折價月米五百八十五石每倉石

題定時估價銀四錢五分今查朔州等處現在米價
每倉石一兩一二錢不等可否將兵丁折價每石
再加折銀三錢大同鎮屬各營路兵丁不敷折價
月米共一萬五千六百二十石零每倉石

題定時估價銀四錢五分今查大同府等處現在米
價每倉石一兩二三錢不等可否將兵丁折價每
石再加折銀三錢殺虎協營兵丁不敷折價月米
共三千二百五石零每倉石

題定時估價銀五錢三分今查朔平府等處現在米
價每倉石一兩一二錢不等可否將兵丁折價每
石再加折銀二錢二分腹裏各營內撫標太原孟
壽等營兵丁不敷折價月米共四千六百四十四
石零每倉石

題定時估價銀五錢四分今查太原平定等處現在
米價每倉石一兩二三錢不等可否將兵丁折價
每石再加折銀二錢六分太原鎮標平陽等營兵
丁不敷折價月米共八千九百八十二石零每倉
石

奏在案至今歲以來卽聞其年力漸衰覺察多疎聽
任家人書役朦蔽作弊然知之尚未確實今臣署
理提篆陸續調取各營員赴省考驗面加詢問并
間事復細訪知鎮臣徐起鳳惟任聽家人張二潘二稿
房書辦金質費用事遇官弁請咨領劄按其大小
索銀三四十兩六七十兩不等前又將繭紬數百
疋分發該鎮衙門人等二百疋及標下三營每營
各三四十疋不等每疋令繳價銀三兩四錢又迎
送過往酒席程儀俱支銷中營公費糧銀又聞其
從前將署內家人掛名於標下三營支取糧餉近

因臣嚴行稽查始除名另補臣查大同一鎮地處
邊方關係緊要鎮臣徐起鳳年力旣衰似此奉職
有愆恐有貽誤之處臣知之旣確不敢瞻徇隱諱
謹據實奏

聞伏乞

皇上睿鑒施行謹

奏

前日之奏覆固屬錯謬今此之奏聞更屬遲延

雍正九年十一月初十日山西巡撫臣石麟謹

奏爲恭懇

聖恩俯留能員以濟公務事竊查前准吏部咨開前任山西巡察勵宗萬騷擾勒索案內有濫應夫馬等項之翼城等州縣既各自自行檢舉應否查叅等因議覆奉

旨勵宗萬著革任翼城等州縣著照例查叅欽此欽遵臣隨檄行布政司等查揭去後今據開報各職名前來臣查除已經叅故各員及原無額設驛遞因勵宗萬索取自行捐雇夫馬應付之翼城等州縣俱例無處分應邀免議外所有自行檢舉濫應夫馬之前任安邑縣知縣今陞保德州知州車敏來

天恩前任臨汾縣知縣今陞遼州知州徐三俊曲沃縣大計附薦知縣王世銑洪洞縣卓異知縣余世堂聖恩前署靈石縣知縣今署長治縣試用知縣郭麟生

介休縣知縣李壽彭前署徐溝縣知縣今署鳳臺縣知縣趙炯屯留縣知縣甄爾節襄垣縣知縣劉德潤聞喜縣知縣李錦祁縣告病知縣羅著藻等俱例應處分但臣伏查雍正六年內欽奉

上諭督撫等遇屬員愆尤當觀其平日居官如何若係庸碌無能之輩則無足惜倘屬廉幹之員而因此罷斥殊非大臣爲國家愛惜人才之道雖定例所在不

得不參然亦當密行奏聞欽此臣查濫應夫馬各員
內趙炯甄爾節劉德潤李錦皆係循分供職之員
上應聽部議外其車敏來徐三俊王世銑余世堂等
皆屬廉幹素著之員至郭麟生李壽彭羅著藻等
亦皆辦事勤敏除羅著藻久經告病離任查晉省
現有軍需之際得有幹員辦理更爲有益唯不揣
冒昧恭懇 皇 恩 將 車 敏 來 等 照 例 議 處 從 寬 仍 行 留 任 俾 現
聖恩可否將車敏來等照例議處從寬仍行留任俾現
在辦事不致乏人而各員感戴皇恩於本月十二日具疏三對曲承
天恩益加奮勉矣

題參外謹繕摺密

奏伏乞

聖主睿鑒施行謹

奏

該部議奏

雍正十年二月初六日山西巡撫臣石麟謹

奏爲奏

聞晉省得雪日期事竊照晉省各屬地方上年十月得
雪深透之後十一月以至今歲正月內雖各
屬屢經得雪但僅及一州一邑未能普徧霑足

心日切傍徨深自警惕昨欽奉

上諭更深恐懼修省并預爲籌酌平糶等事今荷蒙

穹蒼上鑒

聖心之乾惕下憐萬民之生命省城於二月初五日申時雨雪竝降入土三寸有餘仰瞻雲色深沉降雪必不止一二處晉省地氣多寒今歲時令較遲得此雨雪深有濟於二麥臣已飛查各屬得雪之情形但覆到尚需時日臣伏知

聖心垂念之切謹將省城得雪緣由繕摺先行恭奏其餘俟各屬查覆到日再具奏

聞謹

奏

覽晉省雨雪情形朕心深爲欣慰

雍正十年三月初五日山西巡撫臣石麟謹

奏爲奏

聞事竊照山西省城於二月十九日得有瑞雪隨據各府州縣陸續申報是日各得雨雪二三四五六寸不等并有至八寸者均獲普霑在地麥苗咸有裨益茲又於三月初四日戌時起至初五日丑時止得雨三寸有餘沾濡優渥四郊徧及詢之野老農

夫俱稱應時甘雨一切禾黍正可趁此播種歡呼
載道莫不感頌

皇仁除卽行查各屬俟覆到另

奏外合先繕摺奏

聞上慰

宸衷謹

奏

覽奏曷勝額慶近京一帶地方亦節次據報得雨雪矣

雍正十年三月十八日山西巡撫臣石麟謹

奏爲奏

聞事竊照山西省城三月初四日得雨情形經臣恭摺

先行具

奏一面行查各屬去後隨據各府州縣陸續申報初

四初五日各得雨雪二三四五寸不等均屬得濟

臣正在繕摺間省城於初十日得雪八寸十一日

又得雪尺餘十分霑足復卽查據各屬申報初十

十一日各得雨雪七八寸一尺及一尺四五六七

寸不等雪後天氣晴和消融入土優渥深透高原

下隰通省地方咸獲霑足上年所種之麥無不青

葱暢發目下應種之麥并一切禾黍亦皆得及時

播種齊全野老農夫徧滿田疇歡呼力作咸頌
皇仁所有晉省雨雪霑足緣由謹再奏慰之
聞謹
奏
據奏通省二雨雪霑足實慰朕懷
雍正十年四月初六日山西巡撫臣石麟謹
奏爲欽奉

上諭事竊臣前接到內大臣公豐盛額字開欽奉
上諭令於所轄兵丁內俱著勤加演習步行及本身裹
帶物件之法多多益善不可視爲具文苟且從事將

來若不能諳練將該管大臣官員從重議處欽此欽
遵臣隨知會太原大同兩鎮臣於所轄兵丁內挑
選演習并將奉行緣由先卽具摺回

奏茲查太原鎮各標營路內經署鎮臣張朝良挑就
兵丁共一千八百名大同鎮各標營路內經署鎮
臣李如柏挑就兵丁共五千五百七十四名至
標除額外兵丁已經全數製給沙囊演習外其左
右二營內挑就兵丁一百六十名通共挑就兵丁
七千五百三十四名俱各製給沙囊令其繫於腰
間兩腿勤加演習由輕漸重由近漸遠臣仍不時

督察務期諳練合將挑就兵數恭摺奏

聞謹

奏

練習步行趨捷之法須當由漸加增非可急驟之事知此要訣而時加督察方爲有益

同日又

奏爲奏

聞事竊照山西於三月二十七八兩日省城得雨四寸餘并據各府州縣陸續申報二十七八兩日各得雨三四五六寸不等正在繕摺具

奏聞茲省城於四月初四至初五日霖雨大霑十分深透霑足雨水調勻且天氣和暖在地麥苗得此膏澤滋培更加茂盛而播種之禾黍亦皆勃然暢發所有連得時雨情形理合繕摺奏

聞謹

奏

覽所奏情形朕實深爲晉民額慶

雍正十年閏五月二十四日山西巡撫臣石麟謹奏爲奏

聞事竊照晉省地方於五月初六十六二十二二十四二

閏年十八九等日暨閏五月初二十一二十二等日各屬
俱得雨二三四寸不等茲省城十八日得雨五六
寸十九日甘雨大霑十分深透霑足隨據各府州
縣申報十八十九等日各得雨二三四五六寸不
等通計省北各府州屬雨水俱屬霑足省南各府
州屬霑足者十居八九其一二未霑足者雨澤時
有地土亦皆濕潤二麥已漸次登場收穫禾黍亦
俱種齊暢發正在繕摺具奏間省城又於二十三
日得雨三寸當茲盛夏甘霖疊霑普利田疇皆由
聖德感召以致萬民樂業臣惟欽遵

實能如是居心方不愧為民上
聖訓益加兢惕仰承

天庥以副我

皇上惓惓民生之至意為此恭摺奏

聞謹

奏

當茲盛夏連得甘雨西望晉省不禁以手加額

同日又

奏為欽奉

上諭事竊查雍正九年十一月初六日准兵部咨開奉
上諭山西大同總兵官徐起鳳著來京大同總兵員缺

著肅州總兵官張朝良調補大同總兵事務緊要且近有挑選兵丁之事張朝良未到之先著李如柏暫行署理其太原總兵官印務著石麟委員署理張朝良到晉時著石麟酌量或令張朝良徑赴大同之任或李如柏在大同辦理之事未竣卽令張朝良暫署太原總兵印務欽此移咨到臣臣隨欽遵

諭旨將太原鎮印務卽委鎮標中軍遊擊胡海護理嗣於雍正十年正月鎮臣張朝良到晉因鎮臣李如柏在大同辦理召募兵丁挑選安設等事未竣臣遵

旨酌量令張朝良暫署太原總兵印務俱經

題明在案今查大同召募安設等事已經告竣則鎮

臣李如柏張朝良自應

題請各回本任第臣查大同地處邊方時值軍務絡

繹鎮臣李如柏署印半載有餘調度有方辦事勤

敏於營伍公務均有裨益目今召募兵丁雖已事

竣尚有整理邊口製造軍器及辦送軍營火藥旗

幟等項均當料理查鎮臣張朝良自署理太原鎮

印務以來訓練辦事俱屬誠實熟諳惟是大同地

方營務較之太原殊爲遼濶殷繁若初到彼地諸

務未能一時深悉辦理不無稽遲臣因營伍地方
公務起見仰懇

聖恩可否令兩鎮臣仍各暫行署理兩鎮印務俟大同
各項事竣之後再行酌量

題請各回本任伏乞

聖主訓示遵行謹

奏

各令暫署兩俱有益所奏是

雍正十年七月初一日山西巡撫臣石麟謹

奏為欽奉

上諭事雍正十年四月初九日准戶部咨各省督撫提

鎮標下兵丁蒙

皇恩賞給生息銀兩一案雲南貴州廣東廣西四省已

數分給協營兵丁均霑欽奉

上諭著各省督撫等酌量本地情形悉心籌運若可以
照此變通辦理則協營兵丁可以蚤受恩賞誠屬有
益但各省地方之利息輕重不同餘銀之多寡不一
非以不能行之省分令做行之也不可勉強從事欽

此欽遵仰見我

皇上一視同仁

殊批諭旨

下

至

石

麟

睿慮周詳之至意臣查山西省雍正七年五月內蒙
恩賞給撫標兵丁銀四千兩提標兵丁銀六千兩又於
雍正八年九月內蒙
恩賞給大同鎮標兵丁銀九千兩均各營運生息在案
查臣標銀兩係省城當商情願具領營運每兩出
息一分二釐因營運之後卽有調遣車兵及赴甘
兵丁而生息尚未豐裕是以先就出征兵丁家屬
遇有吉凶事者賞給除給發銀共三百十四兩外
尚存息銀一千二百四十八兩復據各當商情願
再領息銀一千兩營運照前加息按交於本年四

月初一日給領從此每月又多增息銀十二兩所
有存營兵丁擬於今年四月爲始遇有吉凶事
者卽將息銀動用賞給正在繕摺

奏明間欽奉

上諭著將賞給生息銀兩酌量辦理欽此臣隨咨會太
大兩鎮臣各就本地情形公同籌酌可否卽得分
給協營兵丁蚤受

恩賞去後茲准暫署太原鎮臣張朝良咨覆查惠濟銀
兩所得一分利息除賞給出征車騎暨赴甘出征
馬兵家屬吉凶之事外今止現存利銀四百五十

八兩餘銀實屬不多若勉強通融勢必兩不相就此時似難分給協營兵丁等因又准暫署大同鎮臣李如柏咨覆查大同地處邊疆不通舟楫貿易各商獲利實微惠濟銀兩分借各舖領運每兩僅交息銀一分因利銀不豐酌議先令標下三營車騎赴甘出征兵丁家屬遇事給賞其存營兵丁俟利息豐裕再爲開賞咨明戶部在案今查現在止存利銀六百五十四兩此時似難概行開賞等因各咨覆前來伏讀

上諭原令不能行之省分不可勉強從事諄諄

聖訓固已洞鑒靡遺今太大二鎮標

恩賞生息之銀實與滇粵四省利廣而可敷分給者不

同至於標二營現存利銀僅止三百五十兩請

將標下新添額外兵丁二千名於癸丑年爲始遇

有吉凶事亦照存營兵丁之例一體給賞以廣

皇仁所有各協營兵丁此時尚不能分給似應俟生息

奏充裕之日臣等當酌量請旨

旨遵行謹一併恭摺覆

奏伏乞

睿鑒謹

殊批諭旨

下

三

石麟

睿奏

原命汝等酌量施行自不應勉強從事

雍正十年七月十二日山西巡撫臣石麟謹

奏為恭報二麥收成事竊照晉省二麥茲當收穫之

際據各屬開報分數前來查山西共一百六州縣

今十分收成者二十三州縣九分收成者十一州

縣八分收成者二十六州縣七分收成者二十三

州縣六分收成者二十三州縣野老農夫咸稱上

恩賞冬今春雨雪稀少麥收幾致難望荷蒙

聖主念切民生頻霽今太丈二

頒修省之

訓誥屢

諭先事之圖維是以

至誠感召雨雪豐霽二麥得濟獲此收成莫不歡欣感

皇仁臣謹按各屬所報分數欽遵

諭旨分別開明據實另繕清摺恭呈

御覽為此謹

奏

石麟

覽奏二麥收成分數朕懷曷勝欣慰

硃批諭旨

下

石麟

石麟

石麟

雍正十年九月二十五日山西巡撫臣石麟謹
奏為欽承

聖訓恭謝

天恩并據實陳明事竊惟庸材陋質荷蒙

聖恩畀以晉撫重任復蒙

命署理提督印務受事以來凡於題補將備等員一一
會同鎮臣詳加揀選再三考核不敢稍忽緣晉省
於請定武職陞選等事案內則有應改補之都司
於遵

旨議奏事案內則有三七分缺應題補之將備又於欽

奉

上諭事案內有沿邊各營應題補新添設之營員
所轄標營各員內疊次挑選無如難得合例之員
祇就各員中酌量人地相宜現在勤慎營務弓馬
可觀以及著有勞績者公同揀選題補恭候
欽定前將千總劉朝棟題補茹越營守備續將改補各
都司之守備劉文秀黃澍祚馬圮受米虎馮選梁
永壽等節次送部引

見兩蒙

皇上飭諭臣詭讀之下惶悚靡已伏念臣知識淺短揀

殊批諭旨

下

聖

石麟

皇上選人員未能允協蒙
聖主不加處分頻頒

訓誨惟感愧交深難以名言嗣後如遇員缺更當詳慎
揀選以仰副體文

聖主訓誨之至意但更有陳明者查大同鎮屬守備
應改都司者共十七缺在於本年四月內揀選具

題經部議覆奉

旨俞允補授之外計有十二員應送部引
見前具題疏內聲明分作兩起咨送今除劉文秀等
未員已經奉

旨在案又除原題頂補梁永壽員缺之守備田重時今

大恩梁永壽仍回原任田重時毋庸送部外尚有任起

龍尚崇傑顧晉珍李進朝張夢麟五員今次應送

見查部議任起龍係合例之員尚崇傑顧晉珍李進朝

張夢麟部議俱越銜士等而李進朝又係本省人
均令送部引

見恭候
欽定查尚崇傑顧晉珍李進朝俱原係專營守備

考驗才具俱與新銜相稱是以即請改補原營都

司張夢麟現係新平路中軍守備臣考驗該備老
成歷練弓馬可觀因請調陞保德營都司至任起
見恭龍弓馬雖屬平等但從前屢經出征因著有勞績
現以署都督僉事管殺虎協中軍守備事是以卽
請改補該協都司以上各員係未奉文到本省人
聖訓之先於本年四月內具題在案今除給咨送部引
見外臣既感蒙

聖主訓誨之諄切又深懼揀選之未當謹恭摺叩謝
天恩并將從前酌量題補緣由據實陳明謹
奏案又列

朕用人原只論材技從不拘限成例雖然材優而合例
者上也材優而不合例者次也若材劣而又不合例斯
爲下矣豈宜濫入保題乎如此不但用非其人是乃開
汝等督撫自作威福之權尤爲不可觀汝此奏未悉朕
旨所以復行批諭令汝知之

同日又

奏爲恭報

盛世豐年收成分數事竊照晉省地方夏秋雨水霑足
田禾暢茂當茲百穀咸登之候據各府州縣陸續
開報收成分數前來查晉省共一百六州縣前惟

據芮城縣詳報縣境內有十三村莊得雨稍遲田
禾被旱亟當將情形
題報在案嗣據委員詳稱履畝確勘所有補種之菽
麥因雨後天氣和暖俱已長發結實獲有收成已
經另疏

題覆外今共計十分收成者六十四州縣九分收成
者十四州縣八分收成者十八州縣七分收成者
九州縣六分收成者一縣臣謹將各屬所報分數
遵奉

諭旨分別開明另繕清摺恭呈

御覽伏乞

睿鑒謹

奏

以手加額覽焉

雍正十一年正月二十八日山西巡撫臣石麟謹
奏為奏

聞事竊查晉省地方上冬雨雪稀少今時屆仲春東作
將興仰望膏澤正殷之際荷蒙

聖主至誠感召省城於正月二十七日酉時起大雪續
紛至二十八日丑時止四野得雪四五寸不等隨

降隨融入土優渥不特在地之麥苗深獲滋培卽
耕耘播種均屬有濟且是夜同雲密布雨雪綢繆
所降必廣臣伏念雨雪關乎年歲屢厯

宸衷若待各屬報齊尚需時日除一面飛行飭查覆到
另行具

奏外謹將太原省城得雪情形卽先恭摺奏
聞上慰

聖懷爲此謹

奏

省城得雪情形欣悅覽之各屬曾否普遍霑濡查明具

奏以聞

諭山西巡撫石麟布政司蔣澗知悉阿齊圖前自京起
程時應給馱載之馬不過二十餘匹今歸途行裝增至
四五十馱之多沿路騷擾驛站經直隸陝西皆據實叅
奏而汝二人竟忍掩蔽朕聰隱嘿不言是可忍也孰不
可忍也思之實爲寒心況驛馬關係緊要豈汝等任意
應酬情面之物耶接諭後將阿齊圖於山西境內曾受
何員餽送所得何物如何索取情形一一察訪的確併
汝等贈助贖儀若干悉據實開明奏聞以贖過咎倘仍
執迷不悟巧爲飾辭希圖遮蓋前愆恐終不能欺蔽朕

之耳目也各訪各奏毋得會商汝二人若必欲商同奏覆朕亦難強任汝二人爲之耳特諭

雍正十一年三月初六日山西巡撫臣石麟謹奏爲奏

聞事竊照晉省地方正月二十七八等日得過雨雪情形經臣繕摺奏

聞在案嗣據各屬將二月十四十五二十三二十七等日得雨緣由申報前來臣查省南各州縣各得雨三四五六寸不等并有一尺餘者惟省北大朔寧保四府州屬內有得雪三四寸者有得雨二三寸

者亦有尚未得雨者數處臣已飭令各加修省虔誠求禱茲省城於三月初四日申時起天降霖雨至初五日午時止遍查四野俱獲深透霑足麥菽等項大有裨益且連日濃雲普徧甘霖稠密所降必廣除行查各屬俟覆到另

奏外謹將各屬二月內所得雨雪並太原省城現在得雨情形恭摺奏

聞上慰

聖懷謹

奏

深慰朕懷

雍正十一年三月二十六日山西巡撫臣石麟謹
奏爲奏

聞事竊照太原省城三月初四初五日得雨情形臣當
卽繕摺奏

聞并聲明行查各屬俟覆到另

奏在案嗣據各府州縣陸續申覆前來臣查省南各
州縣三月初四五日各得雨二三四五六寸不等
并有霑足者而蒲澤解三府州屬十分溥足又地
氣較之他處和暖麥苗蚤發得此甘雨現在暢茂

省北大朔寧保四府州屬三月初四五日各得雨
二三四五寸不等亦有霑足者臣謹將查明各屬
得雨情形恭摺奏

聞謹

奏

覽奏晉省得雨情形仍未經溥遍沾足月盡月初以來
光景若何更奏以聞

雍正十一年四月十三日山西巡撫臣石麟謹

奏爲奏

聞事竊臣前將各屬三月初四五日得雨情形繕摺具

殊批諭旨

下

空

石

麟

奏欽奉

硃批諭旨覽奏晉省得雨情形仍未經溥遍沾足月盡月初以來光景若何更奏以聞欽此臣查太原省城於三月二十四日得雨寸餘隨據各州縣陸續申報三月二十四五兩日各得雨二三四五寸不等并有報霑足者其大朔二府屬十九二十得雨之後二十五六兩日又得雨霑足者較之他屬尤多而蒲州府屬地氣和暖雨水調勻優渥二麥現今秀實惟是時當孟夏豆麥等項在在需雨今各屬雖陸續得有雨澤但未獲普徧透足臣心切徬徨

隨於四月初七日設壇率同司道等官虔誠祈禱至初十日省城得雨寸餘臣仍深自刻責修省現在敬謹祈求仰冀

天鑒甘霖大霑普利田疇以上慰

聖主惓惓民生之

睿懷也謹將三月內各屬得過雨澤并現在祈求緣由恭摺奏

聞謹

奏

覽

畿輔一帶於月之十六十八兩日得雨露透密邇晉省
諒必已蒙

上天慈佑溥賜甘霖矣

雍正十一年五月初七日山西巡撫臣石麟謹
奏為

聖主之訓誨無已微臣之覺察有疎仰祈

睿鑒嚴加處分事竊臣一介庸愚感蒙

聖恩畀以撫晉重任屢荷

訓誨生成得以遵循有自夙夜黽勉殫竭心力惟冀有
益於吏治民生以仰報

高厚於萬一其於徵收錢糧辦理軍需尤加意督察諄

切申飭各屬員砥礪廉隅謹守法度不得濫加火

耗借端擾累如有違犯賢哉封疆大臣如此方可謂不一經查出即行參究不敢

負朕之倚任稍有寬容此臣數年來兢兢如一日者也詎有大

同府知府王聯晉雖莅衝繁要缺事無貽誤但居

心實多巧詐昨旗兵起行之際乃敢假臣之名餽

送銀兩臣知之深為駭異隨即

題參在案豈意分餵馬匹一案屢催尚未報銷乃竟

有朦混暗侵情弊所屬之員內亦有玩法營私縱

役滋擾等事王聯晉恃其離省寫遠復敢徇隱臣

其如朕亦失於覺察被汝欺蔽何
為其欺蔽失於覺察今蒙

皇上命吏部侍郎臣任蘭枝署副都統臣佛凝莪至大
同查究審理以昭法紀但臣身沐

皇上至優至渥之恩而於此等劣員不能蚤為覺察實
深惶愧無以自容惟有跪請

聖主將臣

敕部嚴加議處以為不能覺察屬員者之戒臣謹涕泣
實陳曷勝悚慄之至為此謹

奏

悚慄何益涕泣更屬可笑此案審明之後罪之輕重有

無憲章自在豈因汝之奏請而或免或不免耶

雍正十一年六月初三日山西巡撫臣石麟謹

奏為奏

聞事竊照山西巡察臣周紹龍於雍正十一年五月初

二日巡歷已週將印信送交新任巡察臣王玃接

受任事在案五月十三日周紹龍自平陽回至省

城公館是日晚間忽患痰迷之症臣聞知即往看

視延醫調治尚未全愈茲於六月初二日接准移

稱本年五月初四日在平陽具

題報滿於十三日進省正在束裝復

命間不意途中感冒風暑是日忽患痰病頭目迷暈四肢無力現在延醫調理未能馳驛赴

闕緣係業經報滿不獲卽日起程移明查照等因到滬准此理合繕摺奏

聞謹

奏

調治大愈時然後起程毋令勉強就道十一

雍正十一年七月十五日山西巡撫臣石麟謹

奏爲恭報二麥收成事竊照晉省自春及夏所得雨澤竝麥苗情形經臣節次繕摺奏

聞茲當收穫之際臣留心時加訪問并據各府州縣開報分數前來復逐一察核無異查晉省共一百六
州縣今十分收成者二十二州縣九分收成者十
六州縣八分收成者三十州縣七分收成者二十
九州縣六分收成者九縣野老農夫咸稱上冬今
春雨雪稀少荷蒙

聖主念切民生至誠感召三四月間甘雨疊沛二麥得
濟獲此收成莫不歡欣感激仰頌

皇仁臣謹按各屬所報分數欽遵
諭旨分別開明據實另繕清摺恭呈

硃批諭旨

下

查

石

麟

御覽再查晉省各屬自五月至今雨水俱各調勻透足
皇口在地禾稼極其茂盛現在吐秀結穗合并奏

聞謹

聖奏

覽奏麥分數不禁以手加額稱慶晉省今歲猶得如
此收成實出朕之望外

雍正十一年九月十三日山西巡撫臣石麟謹

奏為恭報

盛世豐年收成分數事竊照晉省地方今歲自夏至秋
雨水均獲霑足田禾極其暢茂當茲百穀告登之

候據各府州縣陸續開報分數前來臣復逐一查
核晉省共一百六州縣今十分有餘收成者共二
十三州縣十分收成者共八十二州縣九分收成
者一縣其永寧太平等州縣送驗田畝內所產五
穗四穗三穗之瑞穀并有長一尺三四五寸不等
之大穗嘉禾實穎實粟觀之深為歡忭野老農夫
咸頌

皇仁含哺鼓腹共歌豐稔此皆我

皇上至誠感召上協

天心之所致臣惟欽遵

聖訓益加敬謹矢竭忠誠仰副

皇恩并勸諭百姓崇節儉廣積蓄以永享昇平之樂利於靡已耳謹將各屬所報分數遵奉

諭旨分別開明另繕清摺恭呈

御覽爲此謹

奏

今歲二麥之收已屬望外秋成又復如是豐稔朕欣慰之懷曷可言喻我君臣當愈勉寅畏毋稍縱恣以仰答上天之浩蕩洪恩耳

雍正十一年十一月十六日山西巡撫臣石麟謹

奏爲欽奉

上諭事雍正十一年十一月十四日接到大學士伯鄂

爾泰寄字內開雍正十一年十一月初九日奉

上諭署太原總兵劉章從前在南贛總兵任時未能稱職調令來京嗣因太原總兵印務需員署理一時未得其人是以暫命劉章前往署理伊自到太原任後於一切營務料理能否稱職之處可寄信巡撫石麟據實奏聞欽此欽遵臣查署太原鎮臣劉章於本年二月內赴任時經過省城臣見其爲人尚屬老成莅任之後時加查察訓練將士亦自竭蹶辦理近

聞操練雖勤但號令朝更暮改告誡寬嚴失當官
兵難以適從其於營伍事務究未能料理井井實
有裨益才具既屬中平而年力又漸衰老太原平
公鎮素稱繁劇殊難勝任茲欽奉

諭旨查問臣謹據實奏

聞伏乞

睿鑒謹

奏

所奏是於朕旨未降之前姑且密之

奏同日又

奏為奏

聞事雍正十一年十一月十四日接到大學士伯鄂爾

泰字開大學士伯鄂爾泰謹

奏據王棠奏稱前因邊地緊要奉

旨添設官兵大同一鎮添兵五千餘名宣化古北二處

亦添兵五千餘名今古提宣鎮兵丁既經議裁則

聖旨大同一鎮應一例議裁等語查古北宣化大同等

一處前議共添兵一萬餘名者原以備調遣之用今

既不需調遣且難招募精銳虛糜錢糧實屬無益

密敕山西巡撫署提督石麟照總督李衛議裁直隸新兵之例酌量議裁具本請飭該處裁減實屬無益旨一併交部議覆施行伏候各旨到日再行酌量聖訓謹同一體一國精壯等語臣等查該處大回等奏雍正十一年十一月初十日奉旨依議欽此欽遵并鈔錄王棠原奏封寄到臣等查夫同鎮屬沿邊各營路雍正九年十月於議奏添設兵丁事案內議令共添兵丁五千名當於雍正九年十一月招募起至十年四月照數募補齊全飭奏令各營訓練已經造冊送部在案茲欽奉

諭旨令臣酌量議裁臣現在細加詳議裁減恭疏具題請

旨外理合將遵奉緣由謹先具摺奏聞謹

奏

具題到日有旨

雍正十一年十一月二十一日山西巡撫臣石麟謹

奏爲奏

聞事雍正十一年十一月二十日據署澤州府解州知

州許日熾稟稱本月十四日有浙江語音自稱試用官吳永清其人齎有諭帖一道錄呈憲電卑職因與其人素未識面詢其來歷據云係由營田捐納縣佐奉

旨發往山西以知縣試用九月到晉十月十五日奉撫憲面諭今於

大計解部冊費派各府州協辦隨給諭帖差委催收部費銀兩於十一月初二日自省起程由平定等處而來又云伊係總督吳興祚一家吳總督之子現任部郎有札專致憲案因此一到卽有此差并

奉密諭在外訪察等語卑職伏思憲臺撫晉數年一切政務無不慎密且

大計一案亦竝無冊費名色屢蒙憲檄倘有藉名招搖之徒立即嚴拏詳究豈有差員催收冊費卑職深信斷無此事明係姦棍假捏招搖不敢疎縱除卽委員看守俟開戒日取供具文詳報外合先星馳稟聞等情并鈔假諭帖一紙到臣臣見之不勝駭異除飛飭署澤州府嚴審假捏情由詳解究擬並檄飭平定等處將有無經吳永清撞騙過情由聞并亦卽據實詳報外謹先繕摺奏

聞并鈔錄假諭帖一紙恭呈

御覽爲此謹

奏

何物姦徒輒敢如此膽玩真匪類也嚴審定擬具奏

雍正十一年十二月廿六日山西巡撫臣右麟謹

奏爲奏

聞事雍正十一年十二月初八日據澤州府鳳臺縣知

大縣羅著藻稟稱卑職聞有京中人同騾夫隨從共

五人騎騾二頭於十一月二十四日到卑縣下町

村廟內住宿口稱問梁淵要板卑職隨差役查問

據稱有宛平縣公文一角投鳳臺縣又稱有王爺

諭帖隨又委典史親往查問王爺諭帖再三索要

方始取出內開本府爲示諭事照得山西鳳臺縣

民梁淵等進敬香柏木板大小八塊自備腳價運

送至京今差烏林達齊其各至板所驗看果有此

物即便速運至府以應供用如無此物卽著烏林

達齊其各押解梁淵至府回話不得違誤以憑關

防須至諭者右諭知悉雍正十一年十一月初十

日行等語上用清字戳子硃標據稱係撥什庫發

的至宛平縣公文一角係關提拐騾人犯與此事

無干問其緣由稱從宛平順便稍來如此舉動甚屬可疑值知府因公赴省卑職隨稟明本府章同知本月初三日章同知卽親往查訊而本人俱不承認口稱諭帖已經燒燬又稱係蘇喇竝非烏林達前後互異隨於行李內搜出諭帖稿一紙上寫鑲紅旗納親郡王老王爺諭地方關防事本府門下買賣人梁淵薛隆節進敬香柏木板大小八塊今差官烏林達趙住前往曲沃縣運解至京特諭各府州縣關津不得攔阻須至諭者右諭地方知悉雍正十一年九月日等語至硃標諭帖藏匿無

蹤初四日當經章同知將齊其各帶到縣城卑職隨撥役嚴加看守事關旗人擅稱王諭合先稟明等情到臣并據同知章廷珪稟亦相同臣見之不勝駭異正在檄飭該縣將齊其各等訊取確供詳報間十二月十四日又據澤州府同知章廷珪稟稱本月初四日查獲齊其各等業經具稟在案卑職隨將跟隨騾夫等四人細訊據常闖生供係陽城縣人向在京師騾行生理因梁淵欠騾行銀兩所以到梁淵家來討的據霍龍節供係陽城縣人因代梁淵借郎萬行銀兩是伊保借又與齊其各

素相認識所以同行再宛平縣關文是原告楊虎給伊轉給齊其各的據郎萬行供係陽城縣人同霍龍節來與梁淵討銀子的據張立成供係趙城縣人因齊其各霍龍節雇伊騾二頭尚欠騾價所以跟著的等語今將查出姓名情由再行稟聞等情臣查既據該同知訊明騾夫等姓名俱係山西民人則齊其各明係棍徒妄行生事有干法紀除飭鳳臺縣嚴訊確情并將趙住現在何處務須究出倘該犯堅稱旗人不吐實情卽令解省發理事通判究明另

奏外謹先繕摺奏

聞謹

奏

據奏旗人指稱王諭招搖晉省地方朕知諸王咸皆守法必無此舉自係假冒無疑若云已革退之納親郡王納爾素在伊則無不可爲之事素行極其鄙猥不肯安分自愛之人也當將獲犯研審確情定擬具奏以聞

雍正十二年正月十日山西巡撫臣石麟謹

奏爲奏

聞事竊照晉省於雍正十年十二月二十八日省城

聞事得雪五寸雍正十二年正月初一日寅時起瑞雪
續紛紛至午時止省城得雪五寸有餘并據各屬陸
續申報於上年十二月二十八日暨本年正月初
一日各得雪四五六七寸不等查三冬之內晉省
連得瑞雪普徧均霑不特在地麥苗深獲滋培而
土膏和潤將來春耕亦有裨益閭閻樂業農民歡
慶臣謹恭摺奏

聞爲此謹

奏

覽晉省得雪情形朕懷深爲欣慰

同日又不詳文州七月初一日
奏爲晉省得雪情形朕懷深爲欣慰

至德光昭甘泉疊見恭摺奏

聞事竊臣於雍正十一年十二月初一日據介休縣稟
稱卑縣城南五里外上堡村地方舊有南泉灰泉
長湖泉三處合流而爲一渠經由上堡下堡常樂
等三村共灌地五百餘畝數十年來三泉俱已乾
涸水田悉成旱地忽於今秋收穫後三處復現微
泉至十月而轉盛現今嚴寒冰凍尚爾日夜長流
又南泉東面高地內新湧出泉一處其流尚細灰

泉西南平地內新湧出泉一處長湖泉西南平地內亦新湧出泉一處三泉甚旺其周圍附近處亦尚有湧出小泉等情具稟到臣復令將新舊各泉現在聚水寬深之情形及新湧成泉者確有幾處再加查明去後茲據稟稱查得南泉現在圍寬五丈水深一丈旁有新泉三處圍寬四五六尺不等水深各二尺灰泉現在圍寬一丈一尺水深三尺長湖泉現在圍寬四丈水深五尺與灰泉相接旁有新泉三處圍寬五尺九尺一丈不等水深二尺五尺不等又附近有井一口向需人力汲取

水甚深今泉從井眼湧出亦充滿長流等情稟覆
聞車前來臣接閱之際深爲慶幸此皆我

皇上湛恩普被

大德覃敷敬

天勤民時時以稼穡爲念重農貴粟刻刻以安阜爲心是
以上格

蒼穹下昭瑞應甘泉疊見溥利民生臣與官民人等曷勝
歡忭感頌惟有益加敬謹以裕

天庥除飭該縣於春融後卽相度源流築堰疏引灌溉地
畝若干俟詳報另

奏外臣謹恭摺先具奏

聞謹

奏

地湧甘泉堪資灌溉乃生民樂利之休當具疏題奏與築壩堰以垂永久及或建立祠宇以昭

神貺一併酌議施行

雍正十二年三月十二日山西巡撫臣石麟謹

奏爲奏

聞事竊照晉省地方於本年二月二十八日省城得雨三寸三月初五日得雨四寸初九日得雨三寸據

各州縣申報二月二十八九三月初五等日有各得雨三四五六寸及霑足者臣查三春之內雨澤甚是調勻周徧在地麥苗現高出四五六寸不等農人俱各乘時耕耘歡聲徧野咸頌

皇仁臣謹恭摺奏

聞爲此謹

奏

據奏三春雨澤調勻麥苗長發以手加額覽焉

雍正十二年四月二十八日山西巡撫臣石麟謹

奏爲奏

殊批諭旨

下

去

石

麟

聞事竊照山西地方今歲自正月以至三月雨水俱各調勻充足經臣節次奏

聞在案嗣據各屬申報四月初一日得雨二三四五寸不等并有霑足者其蒲解二府州地氣和暖麥苗蚤發獲此雨澤尤爲得濟二麥現俱吐秀結穗惟入夏以來雨水漸覺稀少十八日省城得雨寸餘二十二日又得雨一寸行查各屬十七八二十二等日得雨一二三四寸不等有報霑足者亦有未得雨者伏念時屆仲夏禾麥等項正需雨水滋培今未獲及時均霑臣心切徬徨深自刻責修省現

在敬謹祈求仰冀

天鑒大沛甘霖溥利田疇以慰

聖懷謹將四月內得過雨澤并現在祈求緣由恭摺奏

聞謹

奏

京畿地方亦需雨甚殷朕正爲此日夜焦憂亟當竭誠修省以祈剴勵申謝而求甘霖各屬於六月二十五六天恩垂祐可也

雍正十二年七月十五日山西巡撫臣石麟謹

奏爲奏

硃批諭旨

下

老

石

麟

聞事竊照山西省城地方於六月二十五日得雨露
是日即行查各屬去後茲省城又於七月初二初
二初四初五等日豐沛甘霖十分深透隨據各府
州縣陸續申覆前來臣查各屬於六月二十五六
日得雨露足者十居七八其餘得雨三四寸者續
奏於七月初一二初三四五等日均獲霑足太汾二
府屬內從前少雨者亦皆普霑西成無虞查各屬
在地禾稼前此之已成植者暢茂倍常其漸次栽
種之蕎麥等項得此膏雨亦即勃然與發現在平
地之粟禾長有一尺八九寸至二尺五六寸不等

高地之粟禾長有八九寸至一尺五六寸不等平
地之高梁長有四五尺不等高地之高梁長有三
尺六七寸不等豆黍等項平地者長有二尺餘高
地者長有八九寸及尺餘不等芄芄或或徧野青
葱凡茲黎庶靡不歡忻臣謹將晉省得雨露足及
禾稼現在長發情形一併奏

聞謹

奏

覽奏朕懷深慰但訪聞沿邊一帶朔平等處仍屬缺雨
目今直隸宣郡與晉省北界接壤地方俱現在苦旱為

何竝未言及耶

雍正十二年八月初三日山西巡撫臣石麟謹
奏爲欽奉

上諭事竊臣前具奏晉省得雨霑足一摺欽奉

硃批諭旨覽奏朕懷深慰但訪聞沿邊一帶朔平等處
仍屬缺雨目今直隸宣郡與晉省北界接壤地方俱
現在苦旱爲何竝未言及耶欽此欽遵伏查朔平等
帶地處邊疆氣候較遲本年四月當播種之時雨
澤稀少至五月初一二等日亦只各得雨二三寸
不等雨未透足三麥未能暢茂秋禾播種未齊嗣

於五月十四五二十五二十八等日得雨霑足秋禾

雜糧咸得播種惟因邊圍地方多係沙土若十日
或半月不雨卽覺乾燥故於五月底雖得雨霑足
而六月望後又需雨澤正在祈求旋於二十五日
得雨二三四寸不等復於七月初一二三等日連
得透雨優渥霑足查六月下旬得雨雖覺稍遲而
連霑甘霖禾黍均獲滋培興發是以臣於七月十
一日同各屬霑足情由一併具

奏未敢以缺雨冒昧率陳也茲奉

諭旨查問臣謹據實覆

睿鑒至各屬自七月初一初二初四五等日得雨露足之後省城於七月二十三十四日得雨露足又於二十九二十二二十三四五等日各得雨三四五寸及露足不等其沿邊朔平府所屬之五州縣內右玉左雲平魯馬邑等四縣於七月初十九二十等日俱得雨露足朔州於二十四五日得雨五寸大同府所屬之九州縣於七月十九二十二二十三等日均得雨露足查各屬蚤禾現在結穗晚禾等項亦

漸次秀實臣正在繕摺具

奏聞省城於八月初三日甘雨大沛四野露足理合一併奏

聞謹

奏

覽奏知道了凡雨暘奏報惟以據實為要若少加粉飾遮掩則心涉欺隱近於無恥小人之行矣戒之誌之

雍正十二年十月初三日山西巡撫臣石麟謹

奏為恭報

盛世豐年收成分數事竊照晉省地方今歲三春雨水

到處充足入夏之後惟沿邊大朔保三府州屬暨
近省太汾二府屬內間有雨水未獲普霑者至六
月下旬七月初旬內甘霖疊沛通省普徧霑足田
禾仍屬得濟茲當百穀告登之候臣留心查察并
據各府州縣陸續開報分數前來臣復逐一查核
晉省共一百五州縣今十分收成者共三十六州
縣九分收成者共三十一州縣八分收成者共二
十四州縣七分收成者共十二州縣六分收成者
共二州縣黃童白叟羣相鼓舞感頌
皇仁此皆我

皇上敬

天勤民至誠感召以致萬姓得此盈寧之慶也謹將各屬
所報分數遵奉

諭旨分別開明另繕清摺恭呈

御覽爲此謹

奏

晉省今歲秋成得有如是分數可謂望外之幸也

同日又

奏爲欽承

聖訓恭謝

硃批諭旨

下

全

石

麟

天恩事雍正十二年九月二十三日接准兵部咨開將
題補鎮西城都司之馬自能渾源城都司之王哲朔
平營都司之楊國彥帶領引

見奉

旨馬自能王哲楊國彥俱弓箭生疎姑照所請補授石
麟凡題補武職多似此等人員是何意見爾部飭行
該署提知之欽此移臣欽遵跪讀之下惶悚靡已伏
思臣庸材陋質荷蒙
聖恩畀以晉撫重任復奉

命署理提督印務任事以來時時督飭員弁勤習技勇
整理營伍惟期殫竭驚駘之心力以報

聖主委任之

隆恩至於

題補將備等員尤深兢惕遇有員缺會同鎮臣詳加
揀選再三考核不敢稍忽祇緣知識短淺選擇未
當臣心深愧臣咎難辭乃蒙

聖主洪恩不加處分

特賜訓飭臣跪誦

恩綸實感愧交深難以名言嗣後如遇員缺益當詳慎

揀選以仰副
聖主訓誨之至意也所有微臣凜遵

聖訓感激之忱謹恭摺叩謝

天恩爲此謹

奏

若詳加檢選再三考核之人尚皆如此平庸則通省武備廢弛將弁怠懈營伍之不整齊兵丁全未訓練不問可知矣惟愧惟懼庶免隕越慎之

雍正十二年十一月初八日山西巡撫臣石麟謹

奏爲奏

聞事竊照山西省城十月十一十二日得雪情形臣當

卽恭摺奏

聞并聲明行查各屬俟覆到另

奏荷蒙

睿鑒嗣省城於十四日未時起至十五日巳時止復得雪六寸并據各府州縣陸續申覆於十月十一二日十四五日各得雪五六七八九寸及一尺二二三寸不等通省普霑在地麥苗得此瑞雪疊降均獲滋培之益所有查明緣由理合奏

聞伏祈

殊批諭旨

下

全

石

麟

睿鑒謹

奏

覽奏闔境普霑瑞雪麥苗均獲滋培曷勝欣慰

雍正十三年三月十七日山西巡撫臣石麟謹

奏為欽承

聖訓恭謝

天恩事竊臣於雍正十三年三月十五日接到臣兄新

授福建按察使倫達理寄字內開我於三月初六

日奏請

聖訓蒙

皇上召進面奉

誤傳朕諭矣即從前亦有何嘉美之處不過僅能循分
上諭汝弟石麟居官不如從前竝不用心勉勵欽此恭
供職耳直省膺撫任者大都皆係汝等一流總不得人

奈何諭旨并切加教導到臣臣跪讀

聖訓實深惶悚伏念臣由筆帖式至微極末之員蒙

皇上天恩教養生生成拔置

御前奏事

特授為員外郎旋放安徽布政司寸長未效仰荷

聖恩逾於常格

簡畀晉撫重任又蒙

殊批諭旨

下

臣

石

麟

命臣署理山西提督印務臣身受

殊恩至優至渥卽捐軀糜頂尚恐不能報效何敢自甘
暴棄以蹈罪譴惟是才識短淺心思耳目不能周
到靡遺以致愆尤日積復蒙

聖主洪恩寬宥矜全屢頒

諭旨訓誨諄諄臣每跪讀

恩綸之下感激涕零茲復欽承

聖訓臣愈深敬畏痛自刻責惟有益加勉勵殫竭心力
辦理政務冀贖前愆仰報

高厚隆恩於萬一耳爲此繕摺恭謝

天恩謹

奏

覽

雍正十三年六月十三日山西巡撫臣石麟謹

奏爲奏

聞事竊照山西省城地方於五月十二等日得雨露足
并各屬於五月初五六等日得雨均霑情形經臣
恭摺奏

聞嗣省城於十七八等日復得雨露足并據各屬陸續
申報於五月十五暨二十五六等日各得雨四五

六寸及霑足者不等茲省城於六月十二日申時起至戌時止得雨二寸又於十三日子時起至卯時止得雨深透霑足當茲黍稷稻粱俱在吐秀含苞之際得此甘雨優渥滋培深有裨益理合奏

聞以慰

聖懷爲此謹

奏

及時得雨深慰朕念

雍正十三年七月十九日山西巡撫臣石麟謹

奏爲奏

聞事竊查晉省各屬地方自夏入秋雨水均獲霑足田禾俱各茂盛因屆結實之際雨澤尤關緊要臣時行查詢其近省太原等府州及省北各府州現在雨水不缺惟省南平陽府蒲州府解州絳州等處於七月十五六等日接據各該府州稟稱查所屬內有自六月下旬起至七月初十雨澤稀少卽間有微雨不能沾濡田禾望雨殊殷現在祈求等語臣聞之深爲憂慮隨自刻責修省卽於七月十七日在省城設壇率同司道等官虔誠祈禱茲省城於十九日丑時甘雨下降纏綿優渥至於申時已

得雨六寸現在尚未止息且雲氣瀰漫雨澤綿綿
所降必廣除飛飭平蒲解降等府州將有無得雨
并田禾情形卽查明具報俟覆到另

奏外謹先恭摺奏

聞爲此謹

奏

交秋逾月節令已屆白露平蒲等處縱得雨亦恐無濟
於事矣

雍正十三年八月初六日山西巡撫臣石麟謹

奏爲奏

聞事竊臣前奏平陽蒲州絳州四府州屬地方入

秋以後雨澤稀少竝七月十九日省城得雨情形

一摺茲於八月初四日奉到

硃批諭旨臣跪讀之下仰見我

皇上念切民生惟恐雨澤後時致厯

宸衷臣查七月十九日之雨近省及省北各府州屬地

方獲霑足者居多又於二十五六七等日省城暨

各府州復得雨透足其平蒲解絳四府州據陸續

申報七月十九日僅得雨一二寸不等未獲沾濡

復於二十四五六七等日甘霖晝夜連沛纏綿優

渥均獲霑足前此待雨之田禾皆淖然興發現在
長茂秀穗等情臣查平蒲解絳等處地隸省南氣
候較蚤民間播種有早晚二禾早禾秋後即可收
穫前此少雨之隙而蚤禾已屆收割其晚禾係收
麥後始行播種有渠堰井泉可以澆灌者仍屬茂
盛惟高阜坡地禾苗因雨水愆期未免生發遲滯
今得此膏雨普霑雨後天氣現在暖熱田禾猶得
長養尚屬有濟收成不致缺望統俟收後確查分
數具

奏外所有平蒲解絳等處已經得雨露足井田禾情

形臣謹恭摺奏

聞上慰

聖懷謹

奏

果如所奏則雨澤猶不嫌遲禾苗仍屬有濟也何喜如
之

表

聖朝

開

紙



